


88

CHINESE JAPANESE COLLECTION
HARVARD COLLEGE LIBRARY
FROM HARVARD-YENCHING INSTITUTE
SEP 15 1933

T 9297.1100 B



上海卷第一百十一

浚儀王應麟伯厚甫

學校

學校上

辟雍

哈佛大學漢和
圖書館珍藏印

古者聖王設學校以教民由家及國大小有序民無不入其中而受學焉所以教之之具則因其天賦之秉彜為之品節以開導而勸勉之學之既成又與其賢能實之列位此先王學校之官所以為政事之本道德之歸不可一日廢也後世學校之設雖不異乎先王之時然其教與學皆忘本逐末

三原三甫川
五母長公
頁九

正德二年補子
懷利去義無復先王之意名雖在而實不舉遂以
學校為虛文而無與於道德政理之實

五帝成均見後

文王世子注董仲舒曰五帝名大學曰成均則虞庠

近是也春秋繁露云成均為五帝之學大司樂疏堯已上當代

學亦各有名無文可知但五帝摠名成均當代則各

有別稱謂若三代天子學摠名曰辟雍當代各有異

名也 三禮義宗自虞以上其名及制典籍所不詳

虞上庠 下庠 魯米廩 虞庠

王制有虞氏養國老於上庠養庶老於下庠注上庠

右學大學也在西郊以禮大記併言下庠左學小學也在國

中王宮之東庠之言養也周之小學為有虞氏之庠

制是以名庠云其立鄉學亦如之學名異者四代相

變或上西或上東或貴在國或貴在郊疏以學教孝

悌之處於中養老虞殷尚質貴取物成故大學在西

小學在東周小學為庠制者庠則後有室前有堂若

夏后氏之序及周之學所在序者皆與庠同其州黨

之序則歌前而已序則豫也鄉學亦為庠制者老皆

朝于庠是也 養老虞以燕禮皇而祭深衣而養老

文王世子書在上庠 祭義注四學謂周四郊之虞

庠 一明堂位米廩有虞氏之庠也庠者言詳也於是
以攷禮詳事也魯曾謂之米廩虞帝尚孝魯以藏菜盛
之委焉 一虞書變命汝典樂教胄子 北史邢劭曰
二黌兩學盛自虞殷養苗髮而詢哲言育青衿而敷
典教 三禮義宗虞氏之學名庠庠養也所以養國
之子弟使成雋德虞殷貴在近郊故大學在西教學
之道貴在成德西方成就之鄉周制但西郊置虞庠
小學而已 禮司几筵疏大射席在虞庠
二典未有學字而先有教字

夏東序 西序 夏校

王制夏后氏養國老於東序養庶老於西序注東序
亦大學在國中王宮之東西序亦小學也在西郊疏
夏周貴文取積漸長養故大學在東小學在西西序
在西郊周立小學於西郊是也 養老夏以饗禮收
而祭燕衣而養老 月令仲春注將舞必釋菜於先

師以禮之夏小正曰丁亥萬用入學 文王世子學

于戈羽籥於東序疏周立三代之學謂立虞夏殷學
也虞之學制在國兼在西郊郊則周之小學也夏殷
之學亦在國鄭注儀禮云周立四代之學於國合周
家爲言耳夏后氏之學在上庠即周之大學爲夏之

制也。明堂位序夏后氏之序也。注：次序王事也。

孟子夏曰校。校者教也。漢儒林傳夏曰校。鄉飲

酒疏虞之庠。周以為鄉學。夏之序。周以為州黨之學。

夏序有室。周州黨序無室。三禮義宗夏學名序者。

次序先王之道而學之。夏周貴在於國。故大學在東。

教國子弟使之長益。東方陽位有生長之道。故貴在

宮之左。周又以夏序為六遂之學。夏殷謂之秀士。周

禮謂之賢能。

殷右學 左學 瞽宗 小學 大學

殷序 殷庠 辟雍

學校

王制殷人養國老於右學。養庶老於左學。注：右學大

學在西郊。左學小學也。在國中。王宮之東。疏殷尚質

貴取物成。故大學在西。周大學在國之西郊。鄭駁異

義云：三靈一雍在郊者。熊氏云：文王之時猶從殷禮

故辟雍大學在郊。劉氏以為周之小學為辟雍在郊

養老。殷以食禮。啐而祭。縞衣而養老。六十養於國。七

十養於學。注：國國中小學在王宮之左。學大學也在

郊。小學在國中。大學在郊。此殷制明矣。疏貴右而賤

左。小學在國中。左也。大學在郊。右也。與殷同。天子命

之教。然後為學。小學在公宮南之左。大學在郊。注：此殷之制。

天子曰辟廱

明和諸侯曰類宮

班政教尊樂正崇四術注

尚書傳曰年十五始入小學十八入大學疏左學小

右學大故知殷制 文王世子禮在瞽宗 明堂位

瞽宗殷學也注樂師瞽矇之所宗也古者有道德者

使教焉樂祖於此祭之 孟子殷曰序序者射也

漢儒林傳太常臧等議曰三代之道鄉里有教夏曰

校殷曰庠周曰序 建首善自京師始 三禮義宗殷

學為瞽宗者宗尊也瞽無見之稱譬童蒙無有所識

又樂官也武王之時猶從殷法立學故小學在東左

射狸首小學右射騶虞大學自殷以前王者之學無

學校

辟廱類宮之名

詩疏王制以殷之辟廱與大學為一

周四學 小學 五學 中學 三代學

四代學 周庠 鄉學 東膠 虞庠

大學 周序 東絀

文王世子文王之為世子也凡學世子及學士必時

春夏學干戈 干戈之舞象武也 用 秋冬學羽籥 羽籥

象文也 用安 皆於東序 正義皆年二 小樂正學干 小

正樂也 大胥贊之籥師學戈籥師丞贊之 四人皆樂

鼓南 或云二南也南夷 春誦夏弦 誦謂歌樂也 弦謂

有六誦居一樂音 大師詔之瞽宗秋學禮執禮者詔

萬曆丁亥年

三每卷百一

奉

四百十三

之冬讀書典書者詔之禮在瞽宗書在上庠注陽用
 事則學聲陰用事則學事周立三代之學學書於有
 虞氏之學典謨之教所由興也學舞於夏后氏之學
 文武中也學禮樂於殷之學功成治定與已同也疏
 云周立虞夏殷學學書於虞氏之學虞書有典有謨
 故就其學中而教之則周之小學也夏后氏上受舜
 禪是文下有湯武是武以此二者之間故云文武中
 以兼有文武舞也學禮於殷學以革命相似養老於
 東序是周之大學夏東序也王制養老於虞庠是周
 之小學虞庠也凡祭與養老乞言合語之禮皆小樂

學校

正詔之於東序

合語謂鄉射飲酒大射燕射之屬

大樂正學舞于戚

語說命乞言皆大樂正授數

篇數

大司成論說在東

序

大司成司徒之屬師氏也疏小樂正教威儀事淺大樂正教義理事深

凡侍坐於大

司成者遠近間三席可以問終則負墻列事未盡不

問

注席之制廣三尺三寸三分所謂函丈疏書傳大夫為父師周禮師氏中大夫

凡大合樂

必遂養老凡語于郊者必取賢斂才焉或以德進或

以事舉或以言揚

注大樂正論造士之秀者升司馬曰進上謂此矣

曲藝皆

誓之以待又語三而一有焉乃進其等以其序謂之

郊人遠之於成均

大司成掌之法

以及取爵於上尊也

注董

仲舒曰五帝名大學曰成均則虞庠近是也天子始飲酒於虞庠則郊人亦得酌於上尊以相旅

立學者既興音器用幣然後擇菜不舞不授器乃退

饋于東序一獻無介語可也言乃退謂得立三代之

賓于東序魯之學有得立三代學若魯之比語于郊西郊也周以虞庠為

小學在西郊今天子親視學於西郊考論課說成均

則虞庠也上尊堂上之酒尊天子於成均之內飲酒

以息澤被及於此郊人郊人雖賤亦得取爵於堂上

之尊以相旅也所以榮之董仲舒為春秋繁露云成

均為五帝之學虞庠是舜學以無正文故云近是東

序與虞庠相對東序在東虞庠在西皇氏云尋常視

學校

學則養老於東膠若始立學則養老於東序以為周

立三代之學又立周之大學於東謂之東膠立小學

於西郊謂之虞庠行一物而三善皆得者惟世子

而已其齒於學之謂也故世子齒於學國人觀之曰

將君我而與我齒讓何也曰有父在則禮然而衆知

父子之道矣其二曰將君我而與我齒讓何也曰有

君在則禮然然而衆著於君臣之義矣其三曰將君

我而與我齒讓何也曰長長也然而衆知長幼之節

矣故父在斯為子君在斯謂之臣居子與臣之節所

以尊君親親也故學之為父子焉學之為君臣焉學

之為長幼焉。父子君臣長幼之道得而國治。語曰：樂正司業，父師司成。一有元良，萬國以貞。世子之謂也。
祭義：食三老，五更於太學，所以教諸侯之弟也。祀先賢於西學，所以教諸侯之德也。西學，周小學也。先教國子者，疏：周之小學在食三老，五更於太學。天子袒而割牲，執醬而饋，執爵而酌，冕而總干，所以教諸侯之弟也。天子設四學。注：四學謂周四郊之虞庠。當入學而太子齒，疏：謂設四代之學。周學，殷學，夏學，虞學也。虞庠為小學，設置於四郊。據周言之，當入學之時，而太子齒於國人。
王制：樂正崇四術，立四教，順

李校

先王詩書禮樂以造士。春秋教以禮樂，冬夏教以詩

書。注：樂正，樂官之長。掌國子之教。尚書傳曰：年十五始入小學，十八入大學。詩樂者，聲陽也。書禮者，事

陰也。其術相成。王太子、王子、群后之太子、卿大夫元

士之適子，國之俊選，皆造焉。凡入學以齒。注：皆以長

用尊卑，疏：長幼受學，雖王大子亦然。文王世子云：齒讓。注：習禮皆於大學。疏：禮

在瞽宗。殷之大學也。若周則大學曰東膠，餘子十八

入大學。嫡子二十入大學，皆殷法也。若周法立大學

在公宮之左。即東膠。又立小學於西郊。即虞庠。其習

書於虞學，習禮樂於殷學，習舞於夏學。故文王世子

云云。詩則無文。鄭注云：弦謂以絲播詩，則習詩亦在

嘉靖丙辰年 監生繆可貞刊

瞽宗至二十八大學之時仍於大學之中兼習四術
是周之大學亦習禮也疏又云按尚書周傳云王子
公卿大夫元士之適子十三入小學二十入大學又
書傳畧說餘子十五入小學十八入大學周人養國
老於東膠養庶老於虞庠庠在國之西郊注東膠大
學在國中王宮之東虞庠亦小學也周立小學於西
郊膠之言糾也庠之言養也周之小學為有虞氏之
庠制是以名庠云其立鄉學亦如之膠或作紉疏夏周為
文皆上東庠則後有室前有堂周人冕而祭玄衣而養老學記
國有學疏國謂天子所都及諸侯國中周禮天子立四代

學教世子及羣后之子及鄉中俊選所升之士而尊
魯亦立四代學餘諸侯於國但立時王之學大學
始教皮弁祭菜示敬道也宵雅肄三官其始也入學
鼓篋孫其業也未卜禘不視學游其志也時觀而不
語存其心也幼者聽而弗問學不躐等也此七者教
之大倫也熊氏云始教謂始立學教樂記武王郊射為射宮左
射狸首東學在王宮之左右射騶虞西學也食三老五更於大
學注周名大學曰東膠禮夏官諸子春合諸學秋
合諸射注學大學射射宮也疏大學在國中即夏東
序在王宮之左也射宮即國之小學在西郊則虞庠

是也。孟子周曰庠也。鄉學庠者養也。學也。國學則三代

共之。所以明人倫。漢儒林傳周曰序。三禮義宗

自虞至周。凡四代之學。虞夏及殷。各立其學。周則兼

而立之。有虞大學為上庠。小學下庠。夏后氏大學為

東序。小學為西序。殷大學為右學。小學為左學。周大

學為東膠。小學為虞庠。此四代之學名也。周四郊之

是四郊之一。故亦謂之四郊。惟立一小學於西郊。但王者相變。是以立學之名

互有不同。至於為學之制。凡有二義。一學之制。與明

堂同體。五室四堂。共一基之上。東堂謂之東學。南堂

謂之南學。西堂謂之西學。北堂謂之北學。中央謂之

大學。二義云。凡立學之法。有四郊及國中。在東郊謂

之東學。南郊謂之南學。在西郊謂之西學。在北郊謂

之北學。在國中謂之大學。故鄭注祭義云。周有四郊

之虞庠也。禮保傳篇曰。帝入東學。尚親而貴仁。入西

學。尚賢而貴位。入南學。尚齒而貴信。入北學。尚貴而

貴爵。入大學。承師而問道。故魏文侯孝經傳云。大學

者中學也。帝入學者。皆謂養老之時。故王制養國老

於上庠。養庶老於下庠。夏養國老於東序。養庶老於

西序。殷養國老於右學。養庶老於左學。周養國老於

東膠。養庶老於虞庠。此四代養老之法。故言尚親貴

賢尚齒尊爵之義也。庠之言養也。序者次序也。明次序先王之道而學之。瞽宗學官也。膠之言糾也。所以糾錄學士使成其德。然天子之學者所以行禮樂宣德化於天下。使之成德。又養三老五更與諸侯行禮之處。謂之辟雍。辟雍者蓋園若壁。雍之以水。取流而無極。使學者進德而不已。亦謂辟者明也。雍者和也。明此學中非但教學。亦所以明政教。故王制曰：天子之學曰辟雍。諸侯之學曰泮宮。然置學之處。四代不同。或尚於西。或貴在國。或貴在郊。此隨代取法。故所尚不等。是以鄭注王制曰：上庠右學大學也。在西郊。下庠左學小學也。在國中。東序東膠亦大學也。在國中。王宮之東。西序虞庠亦小學也。在西郊。虞商貴在於郊。故大學在西。夏周貴在於國。故大學在東。周人立小學於西。謂之虞庠者。以其制似有虞之學。故因以名。武王之時。猶從殷法。小學在東。及周公制禮。移小學在西。然則周之制法。凡有五學。但立三代之大學。而不立三代之小學。所以知其然者。文王世子云：學舞於東序。學禮於瞽宗。學書於上庠。此大學也。皆是三代之大學。而無下庠西序小學之文。王制云：周之養國老於東膠。養庶老於虞庠。此其二學。故云有

下。庠左學小學也。在國中。東序東膠亦大學也。在國中。王宮之東。西序虞庠亦小學也。在西郊。虞商貴在於郊。故大學在西。夏周貴在於國。故大學在東。周人立小學於西。謂之虞庠者。以其制似有虞之學。故因以名。武王之時。猶從殷法。小學在東。及周公制禮。移小學在西。然則周之制法。凡有五學。但立三代之大學。而不立三代之小學。所以知其然者。文王世子云：學舞於東序。學禮於瞽宗。學書於上庠。此大學也。皆是三代之大學。而無下庠西序小學之文。王制云：周之養國老於東膠。養庶老於虞庠。此其二學。故云有

五學周之虞庠在西郊者祭義云祀先賢於西學所以教諸侯之德也鄭注云西學周小學也似有虞之庠制故云虞庠在西郊然則周制凡五學儀禮注

禮鄉射周立四代之學於國而又以有虞氏之庠為鄉學鄉飲酒義曰主人迎賓于庠門外是也庠之制有

堂有室劉敞曰周立四代之學者一處並建四學

周人辟廡居中其北為虞學其東為夏學其西為殷

學學羽干者就東序學禮者就瞽宗學書者就虞庠

辟廡唯天子養老及出師成謀受俘大射等就焉又

以虞庠建於鄉故鄉有庠以夏序建於州故州有序

學校

以殷校建於黨故黨有校自黨以下皆為小學而非

四代之制以教童子而已大學在郊以其包四代之

制故記禮者或指虞庠或指東序名之禮象曰辟

廡居中其南為成均北為上庠東為東序西為瞽宗

漢祭祀志注蔡邕明堂論曰東序東之堂也學者詔

焉故稱大學禮記大學志曰云云大戴禮注白虎

通曰八歲入小學十五入大學此太子之禮尚書大

傳曰公卿之太子大夫元士適子十三入小學二十

入大學此王子入學之期內則曰十年就外傳謂公

卿以下教子於家也詩靈臺疏大戴禮盛德篇云

明堂外水名曰辟廱政穆篇稱大學明堂之東序

周辟廱 西雝 辟池

詩靈臺於論鍾鼓於樂辟雍文王之學注水旋丘如

璧曰辟雍以節觀者 文王有聲鎬京辟廱武王之

學注武王於鎬京行辟雍之禮 思齊雝雝在宮肅

肅在廟不顯亦臨無射亦保箋宮謂辟雍宮也群臣

助文王養老則尚和助齊於廟則尚敬文王之在辟

雍雖有賢才之質而不明者亦得觀禮無射才者亦

得居位正義辟廱即天子大學也靈臺辟廱皆在郊

蔡邕云水廣二十四丈四周於外周立三代之學虞

辟

產在國之西郊則周以虞庠為辟廱矣 振鷺于

于彼西雝先儒謂辟廱在王制天子曰辟廱諸

曰非宮 明堂位類宮周學也 禮統辟雍圖如

雍以水內如覆外如偃盤 大戴禮盛德篇明堂外

水曰辟雍 莊子文王有辟雍之樂 白虎通辟者

象璧圓以法天雍者壅之以水象教化流行禮記明

以象水左旋史記封禪書豐高有天子辟池索隱曰

即周天子辟雍之地正義曰周文武豐鄠皆置辟雍

故秦立祠 漢郊祀志周公相成王王道大治制禮

作樂天子曰明堂辟雍諸侯曰類宮此在成王時

四書 卷之十一 禮記 明堂位 第十一

三輔黃圖文王辟雍在長安西北四十里亦曰廣雍

戰國策序周自文武設辟雍泮宮庠序之教蔡

邕月令論清廟太廟明堂大學辟雍異名而同事

五經通義辟雍養老學之所也詩正義鄭氏駁

異義云韓詩說辟靡天子之學圓如壁雍之以水所

以教天下春射秋饗尊事老更在南方七里之內立

明堂於中左氏說天子靈臺在大廟之中壘之以靈

沼謂之辟靡玄按辟靡及三靈臺皆同處在郊

鄉如謂制大學在國大學表准正論云辟靡大射之

處後漢書注韓詩薛君章句曰西雍文王之雍也

辟雍

言文王之時辟雍學士皆潔白之人也禮器疏天

子以小學為辟雍朱氏曰振鷺之詩說者以靡為

澤蓋即旋丘之水而其學即所謂澤宮孟子謂序者

射也學蓋有以射為主者蘇氏引莊周云云以辟靡

亦為樂名古人以樂教胄子則又以為習樂之所張

子曰古無此名制始於此及周有天下遂以名天子

之學而諸侯不得立焉

周成均 五帝成均 見上

文王世子郊人遠之於成均以及取爵於上尊也注

董仲舒曰五帝名大學曰成均則虞庠近是也禮

萬曆十六年

卷之二

七

監生吳仲明

大司樂

中大夫二人

掌成均之法以治建國之學政

而合國之子弟焉凡有道有德者使教焉以樂德樂

語樂舞教國子死則以為樂祖祭於瞽宗注鄭司農

云調也樂師主調其音大司樂主受此成事已調之

樂玄謂董仲舒云成均五帝之學

仲舒之學蓋出繁露

成均之

法者其遺禮可法者國之子弟公卿大夫之子弟當

學者謂之國子文王世子曰於成均以及取爵於上

尊然則周人立此學之官釋云周人以成均學之舊

法式以立國之學內政教也

樂師

下大夫四人

掌

國學之政以教國子小舞

大胥

中士四人

掌學士

之版以待致諸子春入學舍菜合舞秋頒學合聲

小胥下士八人掌其令而比之鱗其不敬者

籥師

掌教國子舞羽籥籥

易氏曰成者成其行之虧均

者均其習之偏五帝即此以名學成周因之以為教

成均者教人之名充之為道德者教人之實出於性

分為樂德形於聲歌為樂語見於發揚蹈厲為樂舞

教國子弟必命大司樂者樂之入人易感人深使

人鼓舞其中遷善而不自知有虞命夔典樂教胄子

王制樂正崇四術

周門闡學

五學

學禮

四學

嘉靖丙辰年

五學

五

監生廖可貞刊

地官師氏教國子三德至敏孝三行孝友順居虎門

之左司王朝路寢門也使其屬守王之門外北中門欽外傳

引蔡氏勸學篇云周之師氏居虎門左今之祭酒則周師氏保氏教國子六藝

六儀使其屬守王闈宮中之巷門冬官匠人闈門

容小苟參个注闈旁出之門也釋官曰宮中之門謂

之闈天戴禮保傳篇學禮曰賈誼傳及帝入東學

上親而貴仁則親踈有序而恩相及矣帝入南學上

齒而貴信則長幼有差而民不誣矣帝入西學上賢

而貴德則聖智在位而功不遺矣帝入北學上貴而

尊爵則貴賤有差而下不踰矣帝入太學承師問道

退習而考一作於大傳大傳罰其不則而達其不及

則德智長而治道得矣禮義宗引禮保傳此五學

者既成於上而百姓黎民化輯於下矣學成治就此

殷周之所以長有道也成王年十三即位十五亦入

言八歲出就外舍注小學謂庠門師一作虎闈保之

學也文選王元長曲水詩序入虎闈而齒胄注翰

曰虎闈教國子之學所也公卿之子為胄子太子入

學以年大小為次故曰齒胄李善曰蔡邕明堂月令論

曰周官有門闈之學周禮師氏以三德教國子居虎闈

之左漢祭祀志注蔡邕明堂論曰明堂者天子太

嘉靖丙辰年
監生繆可貞刊

廟朝諸侯選造士於其中以制度生者乘其能而至
死者論其功而祭故為大教之宮而四學具焉取其
宗祀之清則曰清廟取其正室之貌則曰太廟取其
尊崇則曰太室取其堂則曰明堂取其四門之學則
曰太學取其四面周水圜如壁則曰辟雍異名而同
事其實一也易傳太初篇曰云云禮記保傳篇曰云
云與易傳同魏文侯孝經傳曰太學者中學明堂之
位也禮記古大明堂之禮曰膳夫是相禮日中出南
闈見五侯門子曰側出西闈視五國之事日闈出北闈
視帝節猶爾雅曰宮中之門謂之闈王居明堂之禮

又別陰陽門南門稱闈西門稱闈故周官有明闈
學師代教以三德守玉門保氏教以六藝守玉闈
則飾氏居東門南門保氏居西門北門知堂教國子
與易傳保傳王居明堂禮參相發明為四學焉文
王世子篇曰東序云云禮記太學志曰禮士大夫學
於聖人善人祭于明堂其無位者祭於太學禮記昭
穆篇曰祀西賢二西學所以教諸侯之德也即所以
顯行國禮之處也太學明堂之東序也皆在明堂
序之內樂記曰武王伐殷為俘馘于京太室太室
雍之中明堂太室也與泮宮俱獻馘此皆明堂太室

率雍太學事通合之義也其制度數各有所法
禮義宗內則云人君之子十年出就外傳傳者教
之官文王世子云立大傅少傅以養之然則未入學
時已有傳矣是以內則云出就外傳謂就外室而
教也外室在虎門之左師氏之旁而築宮焉即謂異
宮也至年十三則入小學小學者周則西郊之虞庠
十五則入大學謂入於東膠之等入小學之時則大
傅在前少傅在後當入學之時國之子弟亦從學焉
至在休息還返別宮居宿出入則受師保之訓故云
入則有保出則有師謂燕居出入時也教喻德為

有二傅師保之訓也師保但明德藝之術出入前後
教道而已非執經者也在小學習經典皆受之於執
經者入大學亦從受詩書禮樂之業至於崇尚其術
皆大樂正所為鄭注父師司成則大司成也周禮則
師六之官也詩靈臺疏表准正論曰周置師保之

官居虎門之側然則學官非一處也柳文周人置

虞庠於四郊以養國老教胄子蔡統曰天子設四學

蓋其制也易傳太初篇曰天子旦入東學晝入南學

夕入西學暮入北學在中央曰太學天子之所自學

也蔡邕引之以定明堂之位焉大戴禮保傳篇曰帝

入東學以貴仁。入南學以貴德。入西學以貴義。入北學以尊。實生述之以明太子之教焉。故曰為大教之宮。而四學具焉。參明堂之政。原大教之極。其建置之道弘也。四門助教。禮記
朋友為世子時共在學者也。禮案文王世子。成王與伯禽在學。與學子同居。又王制有王太子是為世子時共在學者也。

王制主於教造士。而王太子王子亦預焉。文王世子亦及焉。

周四學前雖已備此

東膠亦曰大學

王制周人養國老於東膠。注東膠

大學在國中王宮之東。亦作郊學。

樂記食老更於

大學。注周名大學曰東膠。

祭義養三老五更於大

學。即東膠也。或曰在東序。而東序在大學中。天子祀而割牲。執醬而醕。冕

而搃干。所以教諸侯之悌也。凡學官春釋奠于其先師。秋冬亦如之。凡始立學者必釋奠于先聖先師。行事必以幣。凡釋奠必有合。大合樂以遂養老。天子出征受成於學。反釋奠于學以訊馘告。**王制**疏周立

三代大學在公宮。左立小學於西郊。即虞庠習書之所。習禮樂於商學。習舞於夏后氏之學。**虞庠** **王制**

周人養庶老於虞庠。虞庠在國之西郊。注立小學於西郊曰虞庠。三禮義宗亦曰制。凡學冬讀書。典書者詔之。書在上。似有虞氏之學。

庠 **祭義** 祀先賢於西學。所以教諸侯之德也。周小

學 **大司樂** 掌成均之法。以治建國之學。政而合國

之子弟焉。即虞庠學也。 **文王世子** 凡語于郊者。論

于郊必取賢歛才焉。或以事舉。或以言揚。曲藝皆誓

之。以待又語。三而有一焉。乃進其等。謂之郊人。遠於

成均。以及取爵於上尊也。注天子飲酒於虞庠。則郊

人亦得酌於上尊。以相旅。仲舒云五帝曰成均。虞庠

近是也。**東序** **文王世子** 凡養老乞言合語之禮

學子校

小學正詔之於東序。大司成論說在東序。天子觀學。

大昕鼓以警衆。祭先聖先師。乃適東序。釋奠于先老。

遂設三老五更群老之位焉。有司告樂闋。王乃命公

侯伯子男及群吏曰。反養老于東序。凡學世子及學

士。春夏學干戈。秋冬學羽籥。皆在東序。小樂正學干

戈。大胥贊之。籥師丞贊之。胥鼓南。注學舞於夏之始

立學。既釁器。用幣。然後釋菜。不舞。不授器。乃退。儻於

東序。一獻無介。語可也。**瞽宗** 瞽之人所宗 **文王**

世子春誦夏弦。大師詔之。瞽宗秋學禮。執禮者詔之。

禮在瞽宗。 **大司樂** 教國子弟。凡有道有德者。使教

萬曆丁亥年 吳序三百九十七

焉。死則以為樂祖，祭於瞽宗。明堂位：瞽宗，殷學也。

保傅篇注：四學者，東序、瞽宗、虞庠及四郊之學也。

王肅云：天子四郊有學，去都五十里。**北史**劉芳

傳：自周已上，學唯以二。或尚東尚西，或在國在郊。爰

暨周室，學蓋有六。師氏居內，大學在國，四小在郊。禮

記云：虞庠在國之四郊。又云：天子設四學。保傅篇云

五學。按鄭注：學記周則六學，所以然者。注云：內則設

師保以教，使國子學焉。外則有大學、庠、序之官。此其

證也。學誦弦於瞽宗，詔論說於東序，觀道德於成

均，考中正於王闈，無一時而非學也。

學說

周鄉遂學

鄉學 又見上

閭塾

夏殷黨庠

學記：家有塾，黨有庠，術遂有序。國有學。注：古者仕焉

而已者，歸教於閭里。朝夕坐於門，門側之室謂之塾。

周禮：五百家為黨，萬二千五百家為遂。疏：周禮百里

之內，二十五家為閭，同共一巷。巷首有門，門邊有塾。

民在家之時，朝夕出入常受教於塾。白虎通云：古之

教民，百里皆有師。里中之老有道德者為里右師，其次

為左師。教里中之子弟以道義、孝悌、仁義也。黨中立

學，教閭中所升者。遂中立學，教黨學所升者。書傳說

云大夫七十致仕退老歸其鄉里大夫為父師士為少師新穀已入餘子皆入學距冬至四十五日始出學上老平明坐於右塾庶老坐於左塾餘子畢出然後皆歸夕亦如之周禮六鄉之內比閭族黨州鄉六遂之內鄰里鄣鄙縣遂舉黨遂則餘閭里以上皆有學可知鄭注州長職云序州黨之學鄉飲酒義主人拜迎賓庠門之外注云庠鄉學也則黨學曰序鄉學曰庠凡六鄉之內州學已下皆為庠六遂之內縣學已下皆為序庠氏云黨有庠謂夏殷禮非周法疏又云內則設師保外則設庠序以教之故云教學為先

學

王制命鄉簡不帥教者以告耆老皆朝于庠

注鄉

學也元日習射上功習鄉上齒

鄉謂飲酒也

不變命

國之右鄉移之左左鄉移之右如初禮

習禮於鄉學

不變移之郊

鄉界之外習禮於郊學

移之遂如初禮

遠郊之外曰遂習禮於遂之學

命鄉論秀士升之司

徒曰選士疏云耆老則書傳畧說云大夫為父師士

為少師是也習射上功在州學習鄉上齒在黨學遂

大夫亦帥國之俊選於遂學而行禮六鄉州學主射

黨學主政齒位遂則縣與州同鄙與黨同縣鄙皆

屬於遂總曰遂學大司徒命鄉大夫考校鄉學秀異

之士移名於司徒地官州長春秋以禮會民而射

于州序二千五百家為州注序州黨之學也會民而射所以

正其志黨正國索鬼神祭祀則以禮屬民飲酒于

序以正齒位鄉大夫鄉射之禮疏按儀禮鄉射云

序則物當棟堂則物當楹堂謂鄉學鄉大夫所行射

禮也豫謂州長二時習射於序豫則鉤楹內堂則由

楹外鄭注豫者謂州學也讀如謝周禮作序三禮

義宗周人又以虞氏之庠為六鄉之學夏氏之序為

六遂之學亦以序為黨學謝為州學鄉學在郭外之

郊遂學在遠郊之上儀禮云州學名豫鄭注云豫宜

從謝州立謝者下鄉也今文豫為序序乃夏學非也

周禮州學為序者字之誤也序庠制有室豫制無室

記鄉飲酒義疏天子六鄉諸侯三鄉卿二鄉大夫

一鄉各有鄉大夫而鄉有鄉學取致仕在鄉之中大

夫為父師致仕之士為少師在學中名為鄉先生使

之教鄉中之人每年入學三年業成必升於君文

王世子疏鄉學為庠鄉飲酒義迎賓庠門之外學記

州及遂以下皆謂之序州長春秋射于序學記術有序**漢志**里有

序鄉有庠春將出民里胥平旦坐右塾鄰長坐左塾

餘子在序室八歲入小學十五入大學秀異者移鄉

學于庠序。庠序之異者，移國學于少學。

公羊注：諸侯云小學。

歲貢少學之異者，學于大學，命曰造士。

公羊注：同。父老校於校。

室。春秋傳：子產不毀鄉校，則鄉又有校。

禮黨正疏：鄉大夫去民遠，不

讀法。州長去民漸親，故四讀法。黨正去民彌親，故七

讀法。族師十四讀法，彌多於此，故云彌親。民者於教

亦彌數。鄉射禮注：退還射宮，疏曰：射宮者鄉庠州

序是也。射於序，鄉飲酒在庠，以其序無室，庠有室，序

無室，則無戶牖，設席亦當戶牖之處耳。

王制注：周

小學為有虞之庠制，其立鄉學亦如之。

公羊注：十

月事訖，父老教於校室，八歲學小學，十五學大學，其

學

有秀者，移於鄉學。鄉學之秀者，移於庠。庠之秀者，移

於國學。學於小學，諸侯歲貢小學之秀者於天子，學

於大學。其有秀者，命曰造士，行同而能偶，別之以射，

然後爵之。

周教國子

地官師氏以三德教國子，教三行，掌國中失之事，以

教國子弟。凡國之貴遊子弟學焉。注：國子，公卿大夫

之子弟。師氏教之，而世子亦齒焉。學君臣父子長幼

之道。保氏養國子以道，教之六藝六儀。注：養國子

以道者，以師氏之德行審諭之，而後教之，以藝儀

之

春官大司樂以樂德樂語樂舞教國子 大胥掌學

士之版以待致諸子 學士謂鄉大夫 諸子學舞者 春入學舍采合

舞秋頒學合聲 小胥掌學士之令而比之 籥師

掌教國子舞羽敝籥 樂師教國子小舞帥學士而

歌敝 夏官諸子掌國子之倅掌戒令教治凡國之

政事國子存遊倅使之修德學道春合諸學秋合諸

射以攷其藝而進退之注遊倅倅之未仕者學大學

也射射宮也王制曰春秋教以禮樂冬夏教以詩書

王制注樂正掌國子之教虞書曰夔命汝典樂教

胄子 周語宣王欲得國子之能導訓諸侯者樊穆

仲曰魯侯孝 三禮義宗諸侯之子亦以十年出就

外傳學書計於外在公宮之右路門之外正朝之東

別立宮焉傳亦有二 詩凡周之士不顯亦世 肆

成人有德小子有造古之人無斃譽髦斯士 箋以身 化其臣

下成其俊 又之美

周之制自王宮國都閭巷黨術莫不有學司徒總其

事樂正崇其教下至庠塾皆以民之有道德者為左

右師自天子之元子眾子公卿大夫士之適子至庶

民之子弟八歲入小學教之洒掃應對進退之節禮

樂射馭書數之文十有五進乎大學教之致知格物

正心誠意之道。去民近者施教密。州長屬民讀。漢歲不過四黨。正七族。師十有四閭。胥則無特矣。古者國子舍于王宮。教于師氏。時會于大司樂。以習誦。絃學樂舞。萬民居于比閭。教于塾師。時属于州序。以受教法。正齒位。皆非常廩之士也。自漢景時。文翁爲蜀郡守。立學官。置左右生。而郡國之養士始此。武帝立博士弟子員。而大學之養士始此。古者以有道德者教國子。父師少師。教于閭塾。禮所謂鄉先生者。自鄉治廢。教法壞。至新莽始於校學。立經師。繇是有郡文學州博士之等。迨我慶曆。設教授之官。古者養

之於成。均以觀其德行。雖天子之元子。亦齒於上也。列之於王闈。以考其中失。雖大夫元士之子。亦列於王子也。合以井牧。聯以比閭。教以庠序。導以師長。維以諫救。攷以德藝。無一民不相聯屬。正歲孟月之吉。黨里社祭之會。無一時不相警策。故教行俗成。而君師之分盡。諸子攷其德行道藝。進退之有已。入太學而復退之者。宿衛者。號故士。新升試士。未得正爵者。號新士。有已升司馬而未遷爵者。貴游子弟。杜子春謂雖貴猶學。有已貴而猶在學者。先王之時。其人則四民也。其居則六鄉三采五比四閭也。其田

則一井二牧三屋九夫也其官則三吏六聯五侯九
 伯也其教則五事五典也其學則六德六行五禮六
 樂五射五馭六書九數也少而習之長而安焉 周
 官所述惟大司樂成均之法師氏王宮之教鄉遂屬
 民讀法之節而它未有攷 三代之王城九州以居
 民天子諸侯有君師之職公卿有師保之義里居有
 父師少師之教故民聚而教行

魯四代學 泮宮

詩魯頌泮水僖公脩泮宮箋辟靡者築土靡水之外
 圓如璧四方來觀者均也泮半也半水者蓋東西門

學

以南通水北無也

明堂位注類班也於以班政教

正義曰王制天子

辟靡諸侯泮宮諸侯止有泮宮一學魯所立非獨泮

宮明堂位曰米廩

虞序

夏序瞽宗

殷學

類宮

周學

是魯禮得

立四代之學此詩頌其脩泮宮其行禮之飲酒養老兵

事之受成告克當於周世之學在泮宮也僖公伐淮

夷將行則在泮定謀既克則在泮獻馘

禮器魯人

將有事於上帝必先有事於類宮注類宮郊之學也

詩所謂類宮也字或作郊宮疏魯侯大學在公宮東

魯以小學為類宮在郊天子亦以小學為辟靡故鄭

駁異義云三靈二靡在郊蓋射以擇士

說文泮諸侯鄉

射之宮西南為水東北為牆。三禮義宗魯立三代之學其餘諸侯但立時王之學而已。周之諸侯所立之學皆曰類宮故曰類宮周學也。文王世子注魯學有米廩東序瞽宗疏天子立虞夏殷周四代之學若諸侯正立時王一代之學有大學小學耳其鄉學為庠若州黨與鄉同處共在鄉學州及遂以下皆謂之序。

漢太學 曾弟子貢 學校官

武紀漢承百王之弊高祖撥亂反正正文景務在養民至於稽古禮文之事缺焉孝武初立卓然罷黜百家表

學

章六經遂疇咨海內舉其茂俊與之立功興大學修祭祀改正朔定曆數協音律作詩樂建封禪禮百神紹周後號令文章煥焉可述後嗣得遵鴻業而有三代之風贊宣紀本始二年詔曰孝武興太學修外祀儒林傳公孫弘為

學官乃請白丞相御史言制曰其令禮官勸學講議洽聞謹與太常博士議請因舊官而興焉為博士官置弟子五十人昭帝增滿百人宣帝末增倍黃龍二年稍增負十元帝好儒通一經者皆復設負千人初元五年二人四月詔博

士弟子母置負以限學者永郡國置五經百石卒史光二三年冬復博士弟子負成帝末或言孔子布衣養徒三千人今天子太學弟

子少於是增弟子負三千人歲餘復如故云云自武帝

立五經博士建元五年春開弟子負元朔五年夏六月設

科射策訖于元始百有餘年傳業者寢盛枝葉蕃滋

一經說至百餘萬言大師眾至千餘人蓋祿利之路

然也初書惟有歐陽禮后易揚春秋公羊而已孝宣

世復立大小夏侯尚書大小戴禮施孟梁丘易穀梁

春秋至元帝世復立京氏易平帝時又立左氏春秋

毛詩逸禮古文尚書所以網羅遺失兼而存之具在

其中矣賈山傳文帝二年上書願以夏歲二月定

明堂造大學脩先王之道董仲舒傳對策曰養士

之大莫大於太學太學者賢士之所關也教化之本

原也臣願陛下興太學置明師以養天下之士數考

問以盡其材則英俊宜可得矣又立學校之官皆自

仲舒發之何武傳學長安歌太學下鮑宣傳哀

帝時為司隸坐拒使者下廷尉博士弟子濟南王咸

等舉幡太學下欲救鮑宣司隸者會此諸生會者千

餘人藝文志曲臺后蒼九篇注如淳曰行射禮於

曲臺后蒼為記故名曲臺記晉灼曰天子射宮也西

京無太學於此行禮也三輔黃圖漢大學在長安

西北七里去城七里東為常棣市中有市有獄在長安

萬曆十六年三輔舊事云漢大監生于光烈

門東書社門立五經博士負弟子萬餘人太平御覽黃圖曰禮小學在公宮之南大學在城南就陽位也去城七里王莽為宰衡起國學於郭門之西南為博士之宮中央為射宮

西京無大學武帝所興之學則罷出百家表章六經而已興學猶言興起古學也其肄習之地則太常也傳授之師則五經博士也公孫弘曰古者政教未洽不備其禮請因舊官而興焉蓋可見矣

學官所

在黃圖謂在長安西北七里而近三輔舊事謂有市獄長安志亦引關中記謂在安門之東杜門之西晉灼乃云西京無大學行禮射於曲臺然宣帝時何武學長安歌大學下轉而上聞哀帝時王咸舉幡大學

學

任延為請立學於長安明詩易春秋合謂因舊官而興者豈以博士舊授徒之學合置乎負而因舊與修之耶或曰晉灼指漢初言或曰太常三雍宮孝武始立黃圖記孝武時事也以功今考之博士官置子弟五十人太常擇儀狀此太常所也郡國謹察可者與計偕詣太常受業如弟子此郡國所察也是皆始於文翁蜀郡之起學官發於律對策之論養士

漢雒陽太學 講堂 車駕幸太學

十四博士 石經

紀光武建武五年十月幸魯初起太學陸機格湖駟故開陽門外去宮八里講堂長一丈廣三尺車駕還宮幸太學賜博士貢弟子各有差章帝元和二年五月戊申賜博士貢弟子在大學者布人三四今郡國上明經老口十萬五人不滿十萬三人和帝永元十二年三月壬子賜博士貢弟子在太學者布人三匹安帝初光武年三月戊戌祀孔子及七十二子於闕里壬戌還京師幸太學順帝永建六年九月辛巳學陽嘉元年秋七月丙辰以大學新成試若補弟子增甲乙科貢各十人漢世為郎

十人為太子舍人內科四十人補文學掌故云成帝時博士選三科高為尚書次為刺史次為諸侯太

傅質帝本初元年四月庚辰令郡國舉明經大將至六百石皆遣子受業歲滿課以高第五人補郎中

次五人太子舍人獻帝初平四年十月太學行禮車駕幸永福城門臨觀其儀賜博士以下有差百官

志五官中郎將其府對太學傳李通建武二年封固始侯拜大司農帝征討四方令通居守京師修宮

室起學宮朱浮建武七年以國學既興宜廣博士之選上書曰先建太學造立橫舍車駕親臨觀饗舊

事策試博士必廣求詳選惟賢是登桓榮建武十

萬曆丁亥年

九年拜為博士車駕幸太學會諸博士論難於前榮
 被服儒衣辨明經義有蘊籍特加賞賜又召諸生雅
 歌擊磬盡日乃罷樊準上疏曰光武受命中興投
 戈講藝息馬論道孝明垂情古典游意經藝每享射
 禮畢正坐自講諸儒竝聽四方欣欣多召名儒以克
 禮官其餘以經術見優者布在廊廟朝多皤皤之良
 華首之老每燕會則論難衍衍共求政化詳覽羣言
 響如振玉期門羽林介胄之士悉通孝經博士議郎
 一人開門徒眾百數化自聖躬流及蠻荒匈奴遣伊
 秩訾王人車且渠來入就學 翟酺順帝即位為將

學

作大匠上言孝文始置五經博士

建元五年始置五經博士文帝未建

序不知何所據然孟子序曰文帝廣游學之路論語孝經孟子爾雅皆置博士後罷傳記博士獨立五

經而武帝大合天下之書孝宣論六經於石渠學者

滋盛光武中興起太學博士舍內外講堂諸生橫卷

為海內所集明帝時辟雍始成欲毀太學太尉趙熹

以為太學辟雍皆宜兼存故並傳至今而頃頽廢至

為園採芻牧之處宜更修繕誘進後學帝從之乃以

永建六年七月繕起太學更拓房室學者為酺立碑

銘於學云 郎顛修復太學 左雄上言宜崇經術

繕修太學帝從之 儒林傳 昔王莽更始之際天下

萬曆丁亥年

三十一

三十一

監生江邦嘉刊

喪亂禮樂分崩典文殘落及光武中興愛好經術未
及下車而先訪儒雅採求缺文補綴漏逸先是四方
學士多懷挾圖書遁迹林藪自是莫不抱負墳策雲
集京師高獲傳少遊學京師與光武有舊嚴光與
光武同游學崔琦張浩游學京師孔奇
何顯游范升陳元鄭興杜林衛宏劉昆桓榮之徒繼
踵而集於是立五經博士各以家法教授易有施孟
梁丘京氏尚書歐陽大小夏侯詩齊魯韓氏禮大小
戴春秋嚴彭祖顏安樂凡十四博士太常差次總領
焉建武五年乃修起太學稽式古典籩豆干戚之容
備之於列服方領習矩步者委蛇乎其中中元元年

初建三雍明帝即位親行其禮天子始冠通天衣日
月備法物之駕盛清道之儀坐明堂而朝羣后登靈
臺以望雲物袒割辟雍之上尊養二老五更享射禮
畢帝正坐自講諸儒執經問難於前冠帶縉紳之人
園橋門而觀聽者蓋億萬計其後復為功臣子孫四
姓末屬別立校舍搜選高能以授其業自期門羽林
之士悉令通孝經章句匈奴亦選子入學濟濟乎洋
洋乎盛於永平矣章帝建初四年大會諸儒於白虎
觀考詳同異連月乃罷肅宗親臨稱制如石渠故事
顧命史臣著為通義又詔高才生受古文尚書毛詩

穀梁左氏春秋雖不立學官然皆擢高第為講郎給
事近署以網羅遺逸博存眾家和帝亦數幸東觀覽
閱書林及鄧后稱制學者頗懈時樊準徐防並陳勸
學之宜又言儒職多非其人於是詔公卿妙簡其選
三舍郎能通經術者皆得察舉自安帝覽政薄於藝
文博士倚席不講朋徒相視怠散學舍頽弊鞠為園
蔬牧兒蕘獮至於薪刈其下順帝感翟酺之言乃更
修黌宇凡所造二百四十房八百五十室試明經下
第補弟子增甲乙之科員各千人除郡國耆儒九十
人皆補郎舍人本初元年質帝梁太后詔曰紀四月庚辰

學

大將軍下至六百石悉遣子就學每歲輒於鄉射月
一享會之以此為常自是游學增盛至三萬餘生然
章句漸踈而多以浮華相尚儒者之風衰矣黨人既
誅其高名美士多坐流廢後遂忿爭更相告言亦有
私行金貨定蘭臺漆書經字以合其私文熹平四年
靈帝乃召請儒正定五經刊於石碑為古文隸篆三
體書法以相參檢立之學門古文謂孔氏壁中秦始
皇使程邈所作也隸書
亦程邈所獻謝丞書曰碑立大學門外瓦屋覆之四
而欄障開門於南郡設吏卒視之楊龍驤洛陽記朱
迺石與兄書云石經文都似碑
高一丈許廣四尺駢羅相錯使天下咸取則焉初光
武遷洛陽其經牒祕書載之二千餘兩自此以後參

倍於前。董卓移都之際，吏民擾亂，自辟雍東觀蘭臺石室，宣明鴻都所藏典策文章，競共剖散，其縑帛圖書，大則連為帷蓋，小乃制為勝囊。及王允所收而西者，裁七十餘乘，道路艱遠，復棄其半矣。後長安之亂，一時焚蕩，莫不泯盡焉。後百官志：太常有博士祭酒一人，六百石。本僕射中興，轉為祭酒。博士十四人，比六百石。本注曰：易四云云。詩三：魯齊韓氏春秋二公羊嚴顏氏。

魯恭建武初，與丕俱居太學。太學生彊華奉赤伏符，王允受業太學。師班彪。賈逵自兒童在太學。

學校

張衡入京師觀太學。張武之太學受業。陳寔

受業太學。李育覽書傳，知名太學。崔駰少游太

學，與班固齊名。章紀：儒館獻歌，謂駰也。李固入太學。謝承書：曰：固每

到太學，密入公府，定省父母。服虔入太學受業。郭林宗賈偉節

為太學諸生，三萬餘人之冠。魏朗詣太學受經。

岑暉苑康受業。仇覽入太學，時諸生符融有高名。

覽曰：天子脩設太學，豈使人遊談其中，高揖而去。

劉陶游太學。申屠蟠居太學。任安少游太學。

宋登持節臨太學，奏定典律。張訓少游太學。孔

僖游太學，習春秋。鄭玄游太學。井丹少受業太

學 范武梁鴻受業太學 杜根入太學號奇童

李尤太學銘曰漢遵禮典崇興六藝修周之理掃秦

之弊開延學者勸以爵位 太學講堂 又見養老禮儀志老更

齊于太學講堂

漢辟雍 三雍官

詳見明堂唐辟雍制度

壁水見時令

禮志成帝時犍為郡於水濱得古磬十六枚劉向說

上宜興辟雍設庠序以風化天下成帝下公卿議會

向卒丞相大司空奏請立辟雍按行長安城南營表

未作及王莽為宰衡遂興辟雍 元始四年二月奏立 平紀元

學辟雍

始五年詔曰劉歆等四人使治明堂辟雍令漢與文

王靈臺周公作洛同符 歆書曰若立辟雍之儀莫知其原 黃圖漢

辟雍在長安西北七里河間獻王對三雍宮即此

藝文志儒家河間獻王對上下三雍宮三篇 傳云獻王來朝

獻雅樂對三雍宮及詔策所問三十餘事 兒寬傳祖立明堂辟雍 武帝

何武傳成帝欲修辟雍通三公官 蕭由傳元始

中作明堂辟雍大朝諸侯 水經注渭水東逕明堂

南舊引水為辟雍處在鼎路門東南七里上圓下方

九宮十二室四嚮五色堂北三百步有靈臺平帝元

始四年立 唐書歸崇敬曰漢武立明堂辟雍靈臺

萬曆十六年

王母家行十一

世

監生于光烈

號三雍宮

唐會要永徽二年七月二日詔議立明

堂令詳定辟雍制度三年六月二十八日有司奏辟

雍案大戴禮無水廣內徑之數蔡邕云水廣二十四

丈四周於外三輔黃圖云水廣四周與邕不異仍云

水外周隄東京賦造舟為梁禮記明堂陰陽錄水左

旋以象天今請減為二十四步造舟為梁其外周以

圓隄并取陰陽水行左旋之制後以制度未定而止

後漢辟雍

河間古辟雍記

禮殿

見養老

紀光武中元元年初起辟雍注漢官儀辟雍去明堂

三百步車駕臨辟雍從北門入三月九日皆於中行

鄉射禮

禮儀志注雅頌樂辟雍饗射所用

儒林傳序中元元年初

建三雍明帝親行其禮袒割辟雍之上尊饗三老五

更

永平二年冬十月壬子幸辟雍初饗射禮畢帝正行養老禮詔曰光武建三朝之禮

坐自講諸儒執經問難於前冠帶搢紳之人園橋門

而觀聽者蓋億萬計永平十四年冬上於辟雍自講

五行章句

列傳張純時南單于降邊境無事歲仍

有年家給人足純以聖王之建辟雍所以崇禮義既富

而教者也乃按七經識明堂圖河間古辟雍記孝武

泰山明堂制度及平帝時議欲具奏之未及上會博

士桓榮言宜立辟雍章下三公太常而純議同榮帝

乃許之 桓榮永平二年三雍初成拜榮為五更每

大射養老禮畢帝輒引榮及弟子升堂執經禮儀志

乘輿先到辟雍禮殿御坐東廂中山王焉永平二年冬諸王來會

辟雍事畢歸蕃任延為潁川守永平二年召會辟

雍承宮永平中臨辟雍召拜博士伏恭永平四

年帝臨辟雍於行禮中拜為司空儒者以為榮建初

二年冬肅宗行饗禮以恭為三老前禮志世祖即

位三十年廼營立明堂辟雍顯宗躬行其禮養三老

五更於辟雍威儀既美矣然德化未流洽者序序尚

未設也順紀陽嘉二年冬十月庚午行禮辟雍奏

應鍾始復黃鍾

靈紀熹平六年冬十月臨辟雍蔡邕

封事言養老辟雍廢缺不行帝乃行禮

楊賜傳靈帝行辟雍禮引賜為三

老東都賦觀明堂臨辟雍辟雍詩乃流辟雍辟雍

湯湯聖皇莅止造舟為梁東京賦春日載陽合射

辟雍左制辟雍薛綜注德陽殿李尤辟雍賦興雲

動雷飛屑風雨萬騎躩踞以攬挈又銘曰方中圓外

清流四匝文選注引李尤辟雍賦

臨辟雍明帝永平二年三月大射十月壬子養老

八年十月丙子養老十四年冬自講五行章句和帝

永元十四年三月戊辰饗射順帝陽嘉元年三月庚

寅饗射二年十月庚午靈帝熹平六年十月並臨辟雍

漢郡國學校 郡文學官 文翁學堂

經師

文翁傳循吏通春秋景帝末為蜀郡守選郡縣小吏

開敏有材者張叔等十餘人遣詣京師受業博士或學律令數歲蜀生皆成就又修起學官於成都市中學之官舍招下縣子弟為學官弟子為除更繇高第以補郡縣吏次為孝弟力田常選學官僮子在便坐受事每出行縣從諸生明經飭行者與俱吏民榮之

雜雅

爭欲為學者弟三蜀地學於京師者比齊魯至武帝時乃令天下郡國皆立學校官自文翁為之始至今巴蜀好文雅文翁之化也注師古曰文翁學堂于今

猶在益州城內益州記學堂在城南後太守高朕修復繕立圖聖賢古人像及禮器瑞物

唐志益州文翁學堂圖一卷秦宓地理志景

武間文翁教民讀書法令及司馬相如以文辭顯鄉黨慕其迹後有王褒嚴遵楊雄之徒文章冠天下繇文翁倡其教相如為之師列傳董仲舒對策云云

後興學校之官自仲舒發之韓延壽守潁川教以

禮讓令文學校官諸生皮弁執俎豆徙為東郡延壽

萬曆丁亥年 監生汪守魯刊

為吏上禮義好古教化所至必聘賢士表孝弟有行
 修治學官春秋鄉射陳鍾鼓管絃盛升降揖遜注師
 古曰學官謂庠序之舍也 何武為揚州刺史行部
 必先即學官見諸生試其誦論問以得失注學官學
 舍也 王尊師事郡文學官注師古曰郡有文學官
 而尊事之以為師也 雋不疑渤海人張禹梅福蓋寬
 饒為郡文學 諸葛豐明經為郡文學 匡衡調補
 平原文學 鄭崇為郡文學史 平紀元始三年夏
 立學官郡國曰學縣道邑侯國曰校校學置經師一
 人鄉曰庠聚曰序序庠置孝經師一人 後傳寇恂

學校一

建武三年為汝南太守恂妻好學乃修鄉校教生徒
 聘能為左氏春秋者親受學焉 李忠建武六年為
 丹陽守起學校習禮容春秋鄉飲選用明經郡中向
 慕 衛颯為桂陽守修庠序之教 循吏 任延為武
 威守造立校官 循吏 秦彭建初元年遷山陽守脩
 庠序春秋饗射脩升降揖遜之儀 伏恭遷常山太
 守修學校北州多為伏氏學 儒林 劉寬遷平陽守
 每行縣輒引學官祭酒及處士諸生執經對講 鮑
 昱傳子德為南陽太守時郡學久廢德乃修起橫舍
 備俎豆黻冕行禮奏樂又尊饗國老宴會諸儒 宋

監生繆可貞刊

監生繆可貞刊

均為辰陽長立學校 楊仁肅宗時為什邡令

弟子悉令就學通經者顯之右職或貢之朝 劉梁

除北新城長大作講舍延聚生徒數百人身執經卷

試策殿最文苑 孔融為北海相立學校表顯儒術

崔瑗著南陽文學官志 揚倫為郡文學掾 楊

厚郡文學掾史春秋饗射常祠之 黃昌會稽餘姚

人居近學宮見諸生修庠序之禮因好之酷吏 祭

祀志注建武二年立高廟古今注曰於雒陽校官立

之禮儀志永平二年三月郡縣行鄉飲于學校祀

聖師周孔 東都賦學校如林庠序盈門 文翁學

學

生題名碑有文學祭酒典學從事司儀主事左生右

生述征記曰大學在國子學東二百步學堂有大

學讚碑記曰建武二十七年立太學堂末建六年制

下府繕治并立諸生房舍千餘間陽嘉元年畢刊于

碑有太尉龐參司徒劉崎太常孔扶將作大監胡廣

各記制禮記疏漢時受學有摠衣前請之法

元朔五年始詔天下郡國建立學官而永平之際皆

尊奉孔子

蜀丞相亮領益州牧命譙周為勸學從事蔣琬領刺

史從典學從事 魏樂詳為河東文學祭酒教後進

嘉靖內辰年 監生繆可貞刊

管輅為清河文學掾

漢四姓小侯學 五經師 名牒

明紀永平九年為四姓小侯開立學校置五經師注
袁宏漢紀曰永平中崇尚儒學自皇太子諸王侯及
功臣子弟莫不授經又為外戚樊氏郭氏陰氏馬氏
諸子弟立學號四姓小侯以非列侯故曰小侯記禮
曰庶方小侯亦其義也 張酺傳永平九年顯宗為

四姓小侯開學於南宮置五經師酺以尚書教授數
講於御前以論難當意除為郎賜車馬衣裳 儒林
傳顯宗復為功臣子孫四姓末屬別立學舍搜選高

能以授其業自期門羽林之士悉令通孝經章句句
奴亦遣子入學 鄧后紀元初六年安帝和熹鄧大

后詔和帝弟濟北河間王子男女五歲以上四十餘

人又鄧氏近親子孫三十餘人並開邸第教經書詔

曰永平中四姓小侯皆令入學所以矯俗勵薄反之

惠厚 時帝紀本初元年四月庚辰詔四姓小侯先

能通經者各令隨家法儒生為禮者謂之其高第

者上名牒當以次賞進 傳劉昆建武二十二年入

授太子及諸王小侯五十餘人儒林 秦彭永平七

年以貴人兄隨四姓權為開陽城門候循吏 東海

四二

王彊薨詔京師親戚四姓小侯皆會又東平王蒼傳
司 鄧禹少子鴻好籌策永平中以為小侯引入議
邊事 鄧衍永平初以外戚小侯每豫朝會而容姿
趨步有出於眾顯宗目之賜與馬衣服 馬防子鉅
為常從小侯拜為黃門侍郎肅宗親御童臺下殿陳
鼎俎自臨冠之 呂強上疏曰外戚四姓貴倖之家
造起館舍丹青雕飾 官者 桓帝紀建和二年加
元服賜四姓小侯帛 禮儀志有四姓會陵之儀
貴長君少君傳絳灌等曰兩人不可不為擇師傅乃
心長者有節行者與居由此為退遜君子不敢以富

貴驕人文帝 鮑宣言外親幼童未通經術者宜少
休就師傅

漢鴻都門學

靈紀光和元年二月己未始置鴻都門學 畫孔子及

七十二弟子像注鴻都門名也其諸生皆敕州郡三

公舉乃能為尺牘詞賦及工鳥篆者相課試至千人

焉 蔡邕傳光和四年 云云 陽球傳奏罷鴻都門

文學不省 等不點牘辭不辨心

漢國子堂 大學講堂 石經 魏典論

碑 漢大學齋 頌 大學弟子齋

晉辟雍行禮碑

水經注東經國子大學石經北漢魏以來置太學於國子堂東漢光初六年刻石鏤碑載五經立於太學講堂前悉在東側蔡邕以熹平四年與五官中郎將堂谿典光祿大夫議郎張訓韓說太史令單颺等奏求正定六經文字許之邕乃自書丹於碑使工鐫刻立於大學門外後儒晚學咸取正焉今碑上悉銘刻邕等名魏正始中又立古篆隸三字石經魏初傳古文出邯鄲淳石經古文轉失淳法植之於堂西石長八尺廣四尺刻石於其下碑石四十八枚廣三十六

魏文帝文刊典論六碑附于其次陸機言太學贊別

一碑在講堂西下列石龜碑載蔡邕韓說堂谿等名太學弟子贊復一碑在外門中今二碑並無石經東有一碑是漢順帝陽嘉八年立碑文云建武二十七年造大學年積毀壞永建六年詔書修大學刻石紀年用作工徒十二萬二千人陽嘉元年八月作畢碑南面刻頌漢石經北有晉辟雍行禮碑是太始二年立

魏太學 辟雍 泮宮

魏志文帝黃初五年四月立太學於洛陽二年正月壬午詔以議郎孔羨為宗聖侯邑百戶今魯郡修起

舊廟於其外廣為室屋以居學者制五經課試之法
置春秋穀梁博士 正始二年二月初通論語使太
常以太牢祭孔子於辟雍以顏淵配五年五月癸巳
講尚書經通七年十二月禮記通亦如之 甘露元
年四月丙辰幸太學問諸儒易書禮記二年五月幸
未幸辟雍會命羣臣賦詩 傳高柔上疏文帝興立
辟雍州立課試 曹植有學官 劉劭正始中上疏
曰黃初以來崇立太學二十餘年成者蓋寡由博士
選輕諸生避役高門弟子非其倫學者有名而無
實設教而無功 王昶嘉平初陳治畧五事其一欲崇

道篤學抑絕浮華使國子入太學而修庠序 宋志
建安二十二年魏國作泮宮于鄴城南 武帝建安
八年七月今日郡國各修文學縣滿五百戶置校
官選鄉之俊造而教學之 太和二年六月詔曰尊
儒貴學王教之本也其高選博士才任侍中常侍者
申勅郡國貢士以經學為先

王海卷第一百十一

